

CLASSIS VIII.
DE METALLORUM
PRÆPARATIONIBUS.

PRÆPARATIONES AURI.

TINCTURA AURI.

℞. Auri purissimi foliati — drachmam semis,
Aquæ Regiæ — uncias duas.

Digere simul in phiala vitrea, ut Aurum penitus
dissolvatur: solutioni affunde

Olei essentialis Rosismarini — unciam unam.

Liquores agitando simul confunde, postea sine
ut quiescant: subsidebit Aqua Regia, supernatabit
Oleum Auro ut creditur imprægnatum: huic ab
Aqua Regia rite separato admisce

Spiritus Vini dephlegmati — uncias quinque.

Digere in loco tepido per mensem, & usui serva.

Præ-

Prædicantur ejus vires ut cardiaca & alexipharmaca.

Dosis a guttis quatuor ad guttas duodecim.

AURUM FULMINANS.

℞. Auri limati ————— drachmam unam.

Inde in matrarium vitreum, & affunde

Aquæ Regiæ rectificatæ — unciam semis.

Digere in arena: solvetur Aurum paulatim, & si aliqua portio insoluta remaneat, decantata solutione rursus Aquæ Regiæ quantitatem sufficientem superadde. Solutionibus simul mixtis decuplum aquæ pluviae calentis affunde, postea guttatim instilla

Olei Tartari per deliquium — quantum satis.

Præcipitabitur Aurum pulveris specie, quem sæpius ablues aqua tepida, donec insipidus evadat.

Purgat per album, & aliquando sudores mover: sunt etiam qui ut cardiacum deprædicent; prudentiores vero admonent illius usum periculo non vacare.

Dosis a granis tribus ad grana quinque.

AURUM BALSAMICUM.

℞. Auri Fulminantis ————— drachmam unam,

Olei Cinnamomi ————— unciam semis.

Digere igne lenissimo per triduum in phiala vitrea, & in usum serva.

Præscribitur a quibusdam ad compositionem Pulveris Hannoveriani, qui tamen aliter apud nos parari solet.

PRÆ-

PREPARATIONES ARGENTI
TINCTURA LUNÆ.

R. Argenti puri ————— uncias duas.

Immitte in cucurbitam vitream, & sensim instilla
Spiritus Nitri ————— uncias sex.

Solvetur Argentum cum effervescencia, qua sedata liquorem digere aliquantisper calore arenæ, ut fiat solutio perfecta. Huic affunde

Muriæ Salis Marini filtratæ — quantum sufficit.

Præcipitabitur Argentum albi pulveris forma. Liquore per inclinationem separato pulverem sæpius ablue aqua pura donec penitus dulcescat, leniterque siccatum immitte in matrarium, & adde

Salis Volatilis Urinæ ————— unciam unam,

Spiritus Vini Tartarifati ————— libras duas.

Matrarium occlude, collum ipsius in alterius matrarii inversi collum inferendo, & commissuras apte conglutinando: deinde in fimo aut simili calore digere per dies quindecim: extrahetur Tinctura, quam filtratam in vase optime clauso ad usum servabis. Pulvis in phiala relictus non abjiciendus ut inutilis: est calx argenti, quæ metallurgicis artificibus revivificari potest.

Epilepticis, maniacis, apoplecticis, & aliis cerebro male affecto laborantibus prodesse creditur.

Dosis a guttis sex ad guttas sexdecim.

CRY-

CRYSTALLI LUNARES.

℞. Argenti cupellati & limati — uncias tres,

Spiritus Nitri ————— uncias novem.

Fiat dissolutio in matraccio vitreo: liquor supra cineres calidos evaporetur ad quartæ partis consumptionem: reponatur in loco frigido. Concre-
scent ad latera CrySTALLI salinæ candicantes; quibus ablatis residuum solutionis iterum evaporetur, & sic pergatur donec omne Argentum Salis formam induerit.

Cautica sunt & escharotica: aqua diluta purgandi vim habent; potissimus vero earum usus est ad conficiendum Lapidem Infernalem.

Dosis a granis duobus ad grana sex.

LAPIS INFERNALIS.


℞. CrySTALLORUM Lunæ ————— quantum placet.

Immitte in crucibulum amplum, circumposito igne primum mediocri: tumescet initio materia, postea deprimetur: aucto igne liquecet instar olei: projice in modiolum prius calefactum, & oleo inunctum; concrecet massa fere instar lapidis, quam e modio exemptam in vase optime clauso ad usum servabis.

Callosas ulcerum excrescentias absumit, causticam vim habet validiorem quam CrySTALLI Lunares, & ad fonticulos excitandos cantherii potentialis loco adhiberi potest.

G g g

PRÆ-



PRÆPARATIONES CUPRI.

TINCTURA CUPRI CUM ALKALI VOLATILI

BOERHAAVE.

℞. Cupri limati ————— drachmam unam,
 Spiritus Salis Ammoniaci cum alkali fixo parati
 — unciam unam & semis.

Digere in phiala clausa leni calore, & sæpius
 interim concute dum extrahatur Tinctura cærulea,
 qua effusa novum Spiritum superadde, & sic perge
 dum omnis fere Cupri substantia fuerit dissoluta.

*Aperit, attenuat, calescit, urinam potenter movet;
 interno usu minus secunda, ut reliqua e Cupro medicamenta.*

Dosis a guttis tribus ad guttas viginti quatuor.

SPIRITUS ASTHMATICUS

MICHAELIS.

℞. Viridis Æris ————— uncias septem,
 Gummi Ammoniaci ————— uncias quatuor,
 Sulphuris ————— unciam unam & semis.

Pulverisata omnia, ac rite commixta distilla ex
 retorta vitrea arenæ calore. Absoluta operatione ab
 oleo crassiore liquor tenuior separetur, ac iterata
 distillatione rectificetur ex lege artis.

In

In affectibus pectoris ab humorum visciditate ortis commendatur.

Dosis a guttis quinque ad drachmam semis.

SAL VENERIS.

℞. Viridis Æris ————— quantum placet,

Aceti distillati ————— quantum sufficit.

Digere in phiala arenæ calore per triduum: Acetum tingetur cæruleo colore: hoc per effusionem separato novum immitte, & sic perge donec nihil amplius extrahatur cæruleæ tincturæ. Solutiones omnes filtratas evapora ad medietatem: ubi reposeris in loco frigido crysalli concrescent cæruleæ; erunt Sal Veneris, vulgo etiam Viride Æternum.

Externe adhibetur ad ulcera callosa & sordida.

ENS VENERIS.

℞. Vitrioli Veneris idest Cyprii optime calcinati
ac loti — unciæ duas,

Salis Ammoniaci ————— unciæ quatuor.

Misceantur exacte, ac instituatur sublimatio. Flores subflavi iterum ac tertio supra proprium sedimentum cohobentur; erunt ultimo sublimati Ens Veneris.

Commendatur ad rachitidem, & gonorrhœam inveteratam.

Dosis a grano uno ad grana sex.

Ggg 2

PRÆ-

PRÆPARATIONES FERRI.

TINCTURA MARTIS CUM VINO

BOERHAAVE.

℞. Limaturæ Ferri non rubiginosæ — uncias duas,
 Vini generosi ———— libras duas.

Digere per triduum in phiala vitrea arenæ calore, sæpe vas concutiendo: post quietem horarum viginti quatuor filtretur Tinctura.

In viscerum debilitate, obstructione, suppressione mensum, & chlorosi egregium affert auxilium.

Dosis a drachma semis ad drachmam unam.

TINCTURA MARTIS CUM MUSTO.

℞. Limaturæ Ferri ———— uncias tres,
 Musti non fermentati ———— libras duas.

Digere in phiala vitrea ad Solem donec Mustum nigrum colorem induerit.

Eadem ratione fiant

Tinctura Martis cum Succo Pomorum,

Tinctura Martis cum Succo Granatorum. &c.

quarum usus & dosis cum prima superius enuntiata propemodum conveniunt.

TIN-

TINCTURA MARTIS TARTARISATA

LEMERY.

℞. Ferri in tenuem rubiginem conversi — libram unam,
Tartari crudi purissimi — libras duas,
Aquæ pluvix — libras duodecim.

Coque in cacabo ferreo per horas duodecim,
spathula ferrea agitando, & aquam fervidam ubi
opus fuerit affundendo. Filtratum liquorem ad re-
manentiam circiter librarum duarum evapora.

*Inveteratis obstructionibus, cachexia, hydropi, ac men-
sum retentioni opem præstat.*

Dosis a drachma una ad unciam semis.

TINCTURA MARTIS ADSTRINGENS

BOERHAAVE.

℞. Limaturæ Ferri — uncias tres;

Aceti distillati acerrimi — uncias viginti.

Digere in phiala vitrea arenæ calore per horas
viginti quatuor: sedata ebullitione habebitur Tin-
ctura rubri coloris, quæ colata ad usum fervetur.

*Adstringit, roborat, menses ac hæmorrhoides nimium
fluentes sistit.*

Dosis a guttis decem ad guttas quadraginta.

SPU.

SPUMA MARTIS RIVERII.

℞. Limaturæ Ferri ——— libram semis.

Immitte in cucurbitam vitream, & affunde

Vini albi generosi — libram unam & semis.

Ferveant leni calore, & interim agitentur dum spuma sursum feratur: hanc simul cum vino transfer in aliud vas, ac novum Vinum affunde eadem mensura: fiant omnia ut supra: idem repete tertia & quarta vice. Vinum cum spuma ex quatuor ebullitionibus separatim lento igne evapora ad mellem spissitudinem.

Ad hepatis & aliorum viscerum obstructions resolvendas.

Dosis ad coctlear unum.

EXTRACTUM MARTIS APERITIVUM

MYSICHT.

℞. Succī depurati Acetosæ ——— libras tres,

Tamarindorum recentium ——— uncias octo.

Macerentur simul per horas sex, & post lenem ebullitionem fiat colatura, cui clarificatæ & filtratæ immitte

Limaturæ Ferri ——— uncias quatuor.

Digere per triduum in arena, postea filtratam tincturam ad Extracti consistentiam leni calore evapora.

Dosis a drachma semis ad drachmam unam.

EX-

EXTRACTUM MARTIS APERITIVUM

LEMERY.

℞. Ferri in rubiginem roris ope conversi — uncias octo.

Affunde

Hydromelitis — libras tres,

Musti — libras quatuor,

Succi Limonum — uncias quatuor.

Digere in olla ferrea clausa blando calore per triduum; postea leniter coque, ollam identidem aperiendo, & fundum spathula agitando, ad extractionem Tincturæ: liquorem nigri coloris filtratum leni calore redige ad consistentiam Extracti.

Dosis a scrupulo uno ad scrupulos duos.

SAL SIVE VITRIOLUM MARTIS.

℞. Limaturæ Ferri récenter paratæ — uncias octo.

Immitte in cucurbitam vitream, & affunde

Aquæ Fontis — libras duas.

Paulo post instilla per vices

Spiritus Vitrioli — libram unam.

Dissolvetur Ferrum cum effervescentia, qua sedata liquorem digere in arena per horas viginti quatuor: filtratum deinde evapora ad apparentiam pelliculæ: repone in loco frigido, & habebis Crystallos virides, quas in usum leniter siccabis.

Ape-

*Aperit, urinas movet, fibras roborat, lumbricos necat,
multisque chronicis morbis opitulatur.*

Dosis a granis quatuor ad grana duodecim.

SAL ABSINTHII CHALYBEATUS.

℞. Lixivii Salis Absinthii — quantum placet.

Evaporetur in patella ferrea, ea lege ut affusione aquæ pluviae sæpius repetita ab exsiccatione diu prohibeatur. Ubi Lixivium tinctura Ferri sufficienter imbutum ex colore subrubro apparuerit, ad consumptionem humiditatis evaporatio perducatur.

Obstructiones lienis ac hepatis tollit, sedisque virginum coloribus conducit.

Dosis a scrupulo semis ad drachmam semis.

FLORES SALIS AMMONIACI MARTIALES.

℞. Salis Ammoniaci,
Limaturæ Ferri, — ana partes æquales.

Instituatur sublimatio ut in floribus Salis Ammoniaci simplicibus.

Efficaciores sunt quam simplices ad reserandas obstructions.

Dosis a granis quatuor ad grana quindecim.

MARS

MARS DIAPHORETICUS.

℞. Florum Salis Ammoniaci Martialis
— quantum placet.

In sufficienti quantitate Aquæ fontis dissolutis
guttatim instilla

Olei Tartari per deliquium—quantum sufficit,
quoad non amplius dissolutio turbetur. Præcipita-
bitur Ferri substantia pulveris tenuissimi specie;
quem pluries ablutum, & in umbra siccatum ad
usum servabis.

*Sudores & aliquando urinas movet; hinc febribus
quartanis, & affectionibus hypochondriacis remedium.*

Dosis a granis decem ad grana viginti.

CROCUS MARTIS APERITIVUS.

℞. Limaturæ Ferri,
Sulphuris pulverisati, — ana partes æquales.

Affusa sufficienti quantitate Aquæ communis fiat
pasta mollis, quæ in olla non vitreata per aliquot
horas fermentescat. Statuatur olla in foco acriter
incenso: mixtura incessanter agitetur virga ferrea,
ut Sulphur totum deflagret: urgeatur ignis, & mas-
sa rursus per duas horas agitetur, dum e nigra
evadat ruberrima: refrigerata ad usum servetur.

Ad obstructiones viscerum, ac mensium suppressionem.

Dosis a scrupulo semis ad scrupulum unum.

H h h

CRO-

CROCUS MARTIS ADSTRINGENS.

℞. Croci Martis Aperitivi — quantum placet.

Ablue quinquies aut sexies Aceto acerrimo, & in umbra ficcatum reverbera igne vehementissimo per horas quatuor: erit Crocus Martis Adstringens.

Ad alvi fluxus, & hæmorrhagias compescendas.

Dosis a scrupulo semis ad scrupulum unum.

MARS SOLUBILIS.

℞. Limaturæ Ferri præparatæ — quantum placet,

Tartari albi subtiliter pulverisati — duplum.

In cucurbita vitrea rite permixtis affunde Vinum generosum ad unius digiti supereminentiam: digere ad Solem, vel in balneo - maris ad siccitatem. Pulverisatæ massæ portionem Vini iterum affunde, & iterum exsicca: hæc omnia toties repete donec massa fiat quasi resinosa. Ex hac efformentur pastilli, vel globuli mediocris pyri magnitudine.

Usus ad parandas ex tempore Solutiones Martiales.

PRÆPARATIONES STANNI.

SAL JOVIS.

R_x. Stanni calcinati ————— unciam unam,

Aceti distillati ————— uncias sex.

Digere in cucurbita per triduum: filtratam Tincturam evapora ad duas tertias, & in frigido loco repone ad crystallisationem: residuum liquorem rursus evapora, ut novæ crystalli concrevant.

Anthysericis annumeratur, sed interno usu minus securus: externe ad herpes, & alios cutaneos affectus curandos commendatur.

Dosis a granis tribus ad grana decem.

CALX STANNI.

R_x. Stanni Anglici ————— quantum placet.

Liquefactum in patella terrea non vitreata supra ignem vehementem rudicula ferrea sine intermissione agitetur, dum abeat in pulverem; qui adhuc per duas horas calcinetur ad albedinem.

Ad Salem Jovis conficiendum, & alias chymicas elaborationes.

Hhh 2

PRÆ-

PRÆPARATIONES PLUMBI.

ACETUM SATURNINUM

VULGO

TINCTURA SATURNI.

℞. Cerussæ ————— uncias quatuor,
 Aceti distillati ————— uncias viginti.

Digere in phiala vitrea per triduum identidem agitando. Acetum dulcificabitur; idque filtratum ad usum fervetur.

Externe usurpatur ad herpetes, & alia cutis vitia tollenda.

SAL SATURNI

ALIAS

SACCHARUM SATURNI.

℞. Aceti Saturnini ————— quantum placet.

Evapora in cucurbita vitrea ampla & humili, donec liquor densiusculus appareat: repone vas in loco frigido: post octo dies Salem habebis e spiculis tenuibus concretum, quem leni calore siccabis. Effuso liquore, per novam evaporationem quod Salis reliquum est obtinebis.

Ex-

Externe inflammationibus, oculorum affectibus, & erysipelati succurrit; repellit, refrigerat, & adstringit: interne raro & circumspēcte adhibendus.

Dosis a granis quatuor ad grana decem.

MAGISTERIUM SATURNI.

R₂. Salis Saturni ————— quantum placet.

Dissolve in
Aceti distillati,
Aquæ puræ, ————— ana quantitate sufficienti.

Solutioni affunde

Olei Tartari per deliquium — quantum satis.

Magisterium habebis candidissimum, quod sæpius ablues, & in umbra siccabis.

Numeratur inter cosmetica.

BALSAMUM SATURNI.

R₂. Salis Saturni ————— quantum placet.

Immitte in matrarium vitreum, & affunde

Olei ætherei Terebinthinæ — quantum sufficit

ad quatuor digitorum supereminentiam: digere in arena, donec rubra extrahatur Tinctura: liquorem decanta, & superstiti materiæ novum Oleum affunde: digere ut supra. Decantatum liquorem misce cum primo, & in cucurbita vitrea ad medietatem evapora.

Mun-

*Mundificandis, & ad cicatricem ducendis ulceribus
externe applicitum conducit.*

BUTYRUM SATURNI.

R₂. Aceti Saturnini,

Olei Rosati, ——— ana partes æquales.

Affundatur sensim Acetum Oleo Rosato in
mortariolo plumbeo, incessanter agitando, donec
mixture justam Unguenti nutriti consistentiam
acquirat.

*Ad herpetes aliasque cutis erosiones, nec non etiam ad
hemorrhoides.*

LAC VIRGINALE.

R₂. Solutionis Aluminis Aqua Nymphæ paratæ,
Aceti Saturnini, ——— ana partes æquales.

Misce usus tempore : erit mixtura Lac Vir-
ginale.

Ad cutem dealbandam ejusque aspredines tollendas.

PLUMBUM USTUM CUM SULPHURE.

R₂. Plumbi ——— libram unam.

Liquefacto in patella ferrea vel crucibulo adde
Sul-

Sulphuris ————— libram semis.

Mixtura flagrans virga ferrea assidue agitetur:
consumpto Sulphure in calcem nigram Plumbum
abibit.

Usus pro variis unguentis.

PRÆPARATIONES MERCURII.

AMALGAMA MERCURII CUM PLUMBO.

R̄. Mercurii vivi ————— uncias quatuor.

Calefiat in crucibulo modico igne: calefacto af-
funde

Plumbi in alio crucibulo liquefacti
— unciam unam.

Agitentur spathula lignea ad perfectam mixtio-
nem: habebitur Amalgama in proprios usus ad-
hibendum.

Miscetur unguentis quibusdam aut linimentis mer-
curialibus.

Quemadmodum ex aliis Metallis cum Mercurio
Amalgama confici possit doceant Metallurgi.

ÆTHI-

ÆTHIOPS MINERALIS.

℞. Florum Sulphuris, ———
 Mercurii purissimi, ——— ana partes æquales.

Terantur simul in mortario marmoreo, dum Mercurius prorsus evanescat, & massa atrii coloris remaneat.

Vermes necat, gonorrhœæ virulentæ opem præstat.

Dosis a granis tribus ad grana decem.

CINNABARIS FACTITIA.

℞. Sulphuris ——— libram unam.

Liquefacto in olla terrea ad lentum ignem sensim affunde

Mercurii vivi calefacti ——— libras tres.

Agita incessanter spathula lignea, dum fiat perfecta mixtio. Ollam tigillo coopertam ab igne remove ut frigescat: massam habebis nigram. Hanc in pulverem redige, & cucurbitæ sublimatoriæ immitte, quæ ad duas tertias remaneat vacua. Impone capitellum, vel aliam similem cucurbitam inversam, juncturis firmiter conglutinatæ. Statue cucurbitam in furnulo, & ignem subjice per gradus ad summum usque: ubi sex horas perseveraveris cesset ignis. Refrigeratis omnibus in ambitu interno cucurbitæ massam compactam, ponderosam, obscure rubram invenies: erit Cinnabaris factitia, quæ supra marmor lævigata coccineo colore fulgebit.

Antepileptica virtus Cinnabari tribuitur.

Dosis a granis quatuor ad grana decem.

MER-

MERCURIUS REVIVIFICATUS

E CINNABARI.

R₂. Cinnabaris factitiæ ————— libram unam,

Calcis vivæ ————— libras tres.

Pulverisentur, misceantur exacte, ac impleatur ex ipsis retorta loricata ad duas tertias, quæ in furnulo reverberii collocetur, aptato recipiente aqua propemodum repleto: maneant per diem naturalem. Subjiciatur ignis per omnes gradus augendus. Mercurius vivus in aquam exstillabit. Ultimo cum nihil amplius prodit, ignem subtrahere: refrigeratis vasis Mercurium aqua pura ablutum, linteisque mundis siccatum in usum reponere.

Mercurius sic depuratus vulgari, qui sæpe inquinatior est, ad medicos potissimum usus anteponendus.

CINNABARIS ANTIMONII.

Emergit ex eadem operatione, qua etiam paratur Butyrum Antimonii. Coagmentatur autem ex Mercurio, qui sublimatus mixturam illam ingreditur, & ex Antimonii Sulphure.

Ad epilepsiam & alios spasmodicos affectus sedandos, etiam in malignis febribus.

Dosis a granis tribus ad grana duodecim.

PANACEA CINNABARINA

SIVE

MERCURIUS DIAPHORETICUS

THOMPSON.

℞. Mercurii vivi _____ uncias duas,
 Sulphuris _____ uncias quatuor,
 Salis Ammoniaci _____ unciam unam.

Misceantur exacte in mortario vitreo donec evanescat Mercurius. Immitte mixturam in cucurbitam capacem, superimposito capitello: subijce ignem lentum per horas tres, quem gradatim per sex horas augebis, ut cucurbitæ fundus candescat: sublimabitur fuligo subnigra. Refrigeratis vasis, & cucurbita diffracta, massam in fundo relictam cum fuligine supradicta simul conteres, rursusque sublimabis: contingent omnia ut supra. Operationem duodecies aut pluries repetes, usque dum materiem in fundo relictam habeas coloris prorsus rubri: erit Mercurius Diaphoreticus, sive Panacea Cinnabarina. Flores seu fuliginem ultimæ sublimationis ut inutilem projices.

Gonorrhœa virulenta ac reliquis venereis morbis efficaciter medetur, vel blandam salivationem vel sudorem excitando.

Dosis a granis sex ad grana sexdecim.

MER-

MERCURIUS SUBLIMATUS.

R̄. Mercurii purissimi ————— libram semis.

Immitte in matrarium aut phialam vitream, & affunde

Aquæ Fortis ————— uncias octo.

Colloca matrarium in arena calente: dissolvetur Mercurius cum ebullitione. Dissolutionem in cucurbita vitrea lento igne evapora: massam habebis albi coloris: huic subtiliter pulverisatæ admisce

Salis Marini pulverisati,

Vitrioli ad albedinem calcinati & pulverisati,

— ana uncias decem.

Sit pulvis subtilis ex omnibus exacte permixtus: hunc in matrarium amplioris fundi triplo capacius immitte, quod media sui parte in arena mergatur, nullo imposito capitello: subjiciatur ignis lenissimus, sensim sensimque per minutos gradus augendus: erumpent vapores, quos ut noxios caute vitabis. His cessantibus matrarii os charta imposita occludes, ignem vero augebis, ut exterior olla candescat: sublimabitur Mercurius in massam salinam ad internum ambitum matrarii. Post horas sex cessante igne, vasisque refrigeratis confringatur matrarium, & Sublimatus purior a leviori pulvisculo ac fæcibus separetur.

Venenum est presentissimum, si interne sumatur: externe in Aqua aluminosa, & pbagedanica adhibetur ad erodendum: usum vero maximum præstat in variis Chymicorum operationibus.

MERCURIUS DULCIFICATUS.

R₂. Mercurii Sublimati ——— unciæ quatuor,
 Argenti vivi ——— unciæ tres.

Simul diu terantur in mortario vitreo dum Mercurius vivus amplius non appareat: mixturam in phialam vitream immitte; phialam vero apertam ad medietatem merge in arena, ac per varios ignis gradus sensim auctos sublimationem institue: omnia fere ut in Sublimati corrosivi elaboratione procedant. Sublimabitur ad interiorum vitri ambitum Mercurius dulcificatus candidus, quem refrigerata ac diffracta phiala diligenter eximes, rursusque per aliquot vices sublimabis, donec candidissimus & omnis saporis expers evadat.

In gonorrhœa virulenta, aliisque affectibus a lue venerea pendentibus interne adhibetur, itemque ad vermes necandos.

Dosis a granis tribus ad grana viginti.

PANACEA MERCURIALIS.

R₂. Mercurii dulcificati ——— quantum placet.

Sublimetur septies juxta regulam superius descriptam: post ultimam vero sublimationem lævigetur in porphyrite, & immittatur in cucurbitam vitream.

Affunde

Spiritus Vini rectificati ——— quantum satis

ad

ad supereminentiam quatuor digitorum: maneant in digestionem per dies quindecim, & spatula lignea identidem agitentur: Post effusum Spiritum Vini exsiccata massa erit Panacea Mercurialis.

Exquisitum habetur remedium in morbis venereis.

Dosis a granis sex ad scrupulum unum.

MUMIA MINERALIS

POTERII.

℞. Mercurii Sublimati ————— uncias octo,

Mercurii vivi ————— libram unam.

Terantur simul in mortario vitreo vel ligneo per dies octo, & abluantur aqua dulci, donec massa omnis saporis expers evadat.

Linimentis antiueneris adjungitur, ad callosa ulcusa erodenda & exsiccanda.

MERCURIUS PRÆCIPITATUS ALBUS.

℞. Mercurii vivi ————— uncias quatuor.

Dissolve ex arte in

Aquæ Fortis ————— quantitate sufficienti,

ut habeatur solutio quantum fieri potest saturatissima: postea fume

Salis Marini ————— uncias duas,

Aquæ communis ————— libram unam:

Fiat

Fiat muria, quam solutioni præcedenti instillabis. Præcipitabitur Mercurius albi pulveris forma; ut vero absolvatur præcipitatio, rursus aquæ communis libram affunde. Quiescant omnia per noctem: effuso liquore candidum pulverem aqua pura sæpius abluēs, leniterque siccatum in usum servabis.

Ad salivationem excitandam: externe ad scabiem, & herpes sanandos.

Dosis a granis quinque ad grana quindecim.

MERCURIUS PRÆCIPITATUS FLAVUS

SIVE

TURPETHUM MINERALE.

℞. Mercurii vivi _____ uncias sex.

Immitte in retortam vitream, & affunde
Olei Vitrioli _____ uncias sexdecim.

Statue retortam in arena calida, ut Mercurius penitus dissolvatur; ignem per gradus auge: humiditas omnis exstillabit. Urge ignem circa finem satis vehementer per horæ quadrantem. Refrigeratis omnibus massam albicantem e retorta exime, eique copiosam aquam affunde; præcipitabitur pulvis flavus, quem iteratis lotionibus dulcificabis.

Purgat vehementer ac vomitum movet: adhibetur in lue venerea ut reliqua mercurialia.

Dosis a granis duobus ad grana sex.

MER-

MERCURIUS PRÆCIPITATUS RUBER

℞. Mercurii vivi ————— quantum placet.

Dissolvatur ex arte in Aquæ Fortis sufficienti quantitate. Solutio evaporetur in phiala igne mediocri ad siccitatem: erit massa alba, quæ igne ad tertium gradum aucto colorem sensim mutabit, ut postremo evadat ruberrima.

Chirurgi eo utuntur ut rodente & escharotico.

PRÆPARATIONES ANTIMONII.

REGULUS ANTIMONII.

℞. Antimonii crudi ————— uncias sexdecim,

Tartari ————— uncias duodecim,

Nitri ————— uncias sex.

Seorsim pulverisata exacte commisce. Sit præsto crucibulum amplum, candens in reverberii furnulo: injice drachmas duas hujus mixturæ, quæ statim cum detonatione & strepitu flagrabit: postquam perfecte quieverit tantundem mixturæ immitte, rursusque detonatio habebitur. Sic perge donec materiem crucibuli capacitati proportionatam injeceris, hoc animadvertens ut perpetuo sit candens crucibulum, ac ne materiem immittas priusquam deflagratio præcedens omnino sedata fuerit. Urge ignem

ignem tecto crucibulo, ut massa fluat instar aquæ: hanc in mortariolum ferreum siccissimum sebo intus inunctum celeriter effunde, ac mortariolum statim concute. Refrigescant omnia: massam e mortariolo exime: invenies Regulum metallicum in fundo, quem a circumjacentibus scoriis ictu mallei separabis.

Repetita fusione cum modica portione Nitri, purior evadet Regulus, stellam in superficie ut plurimum habens impressam.

Vasa ex eo constantur quæ vim emeticam vino conciliant: usurpatur item ad varias operationes Chymicas.

REGULUS ANTIMONII MARTIALIS.

R. Apicum clavorum, qui ad figendas equorum soleas adhiberi solent, — uncias sex.

Immitte in crucibulum amplum, quod igne reverberii candescat: injice paulatim

Antimonii pulverisati sicci & calefacti

— libram unam.

Sit ignis vehemens, quo Ferrum pariter & Antimonium liquefiant: fluentibus adde

Nitri siccissimi & pulverisati — uncias tres.

Liquefiant omnia instar aquæ, & massa in mortariolum ferreum effundatur, servatis iisdem cautionibus, quæ in descriptione Reguli simplicis expositæ sunt. Regulum habebis Antimonii Martialem, ut plerumque accidet, stellatum.

Ad Specificum stomachicum, & alias chymicas elaborationes.

AN-

ANTIMONIUM HYACINTHINUM

SIVE

VITRUM ANTIMONII.

R₂. Antimonii purissimi subtiliter pulverisati
— quantum placet.

In patella terrea non vitreata extensum lento igni superimpone, ut fumosemittat non autem fundatur. Materiem spatula ferrea incessanter agita, averfa facie ut noxium fumum evites; quo cessante ignem paulatim augebis, ac si fumus iterum erumpat in eo gradu persistes: quod si nimio calore in grumos concresecat, redigantur isti statim in pulverem, & ignis minuatur; sic paulatim in cinerem vel calcem Antimonium abibit. Massam in crucibulum inditam, operculo imposito, igne paulatim ad summam vehementiam aucto reverberabis, donec lique scat. Retine sic fusam per horæ semiquadrantem, postea effunde supra tabulam marmoream siccam & calidam: concresecet Vitrum pellucidum, ex rubro flavum instar lapidis Hyacinthi.

Emeticum est violentissimum.

Dosis a grano uno ad grana tria.

HEPAR ANTIMONII.

R₂. Antimonii crudi,
Nitri depurati, — ana partes æquales.

Separatim pulverisata, postea rite commixta in mortarium ferreum immitte. Carbonem ardentem

K k k

mix-

mixturæ admove: accendetur fere instar pulveris pyrii: mortarium operculo tege; ubi penitus deflagaverit, massa in fundo remanebit semivitrificata, Hepatis colore, quam ad usum servabis.

Vomitum excitat, at minus potenter quam Vitrum Antimonii.

Dosis a granis duobus ad grana quatuor.

CROCUS METALLORUM.

℞. Hepatis Antimonii ——— unciam unam.

Subtiliter pulverisatum ablue pluries aqua tepida, donec penitus dulcificetur: erit pulvis leniter siccatus Crocus Metallorum.

Mitius operatur quam Hepar Antimonii.

Dosis a granis quatuor ad grana octo.

TARTARUS EMETICUS.

℞. Cremoris Tartari ——— uncias octo,

Hepatis Antimonii ——— uncias duas.

Bulliant in Aquæ fontis libris duodecim, sæpe agitando, donec Cremor Tartari fuerit perfecte dissolutus: calidam solutionem filtra, ac leniter evapora, dum pellicula appareat. Repone in loco idoneo ad crystallisationem.

Ad vomitum suscitandum vulgo usurpatur.

Dosis a granis duobus ad grana quatuor, & grana sex.

SUL-

SULPHUR AURATUM ANTIMONII.

℞. Scoriarum Reguli Antimonii simplicis — quantum placet.

Decoque in Aquæ communis quantitate sufficienti: decocto colato instilla

Aceti distillati — quantum satis.

Præcipitabitur pulvis ruber, quem per filtrationem a liquore separatum in umbra siccabis.

Communem habet emeticam vim cum aliis longe multis Antimonii præparationibus.

Dosis a granis duobus ad grana sex.

KERMES MINERALE.

℞. Antimonii minute confracti — libras quatuor.

Nitri fixi — libram unam,

Aquæ pluviae — libras octo.

Bulliant simul per horas duas. Decoctum fervens per chartam bibulam filtra, & in quiete repone per horas viginti quatuor. Subsident pulvis croceus tenuissimus, quem effuso per inclinationem liquore separabis, abluetque pluries aqua tepida, donec salsedinem amittat. Exsiccatò convenientem portionem affunde Spiritus Vini rectificati, & flammam admove ut penitus deflagret: id ubi altera ac tertia vice peregeris, exsiccatum pulverem ad usum serva.

K k k 2

Pro

Pro varia humorum peccantium conditione modo vomitum, modo alvinas dejectiones provocat, modo etiam urinam ac diaphoresim excitat: incidendi quoque & attenuandi vi præstare creditur.

Dosis a grano uno ad grana sex.

FLORES ANTIMONII.

Rx. Antimonii electi ——— quantum placet.

In promptu sit cucurbita sublimatoria ad latus perforata, aludelibus & capitello instructa: colloce-
tur in furnulo, juncturis apte obseratis, ut ignis
ardor fundum duntaxat calefacere possit, non au-
tem ad superiora ascendere. His præparatis subjicia-
tur ignis mediocris, & augeatur dum cucurbita ad
fundum candescat. Immittatur per laterale foramen
Antimonii pulverisati cochlear: obturato foramine
ascendent Flores ad superiores aludeles; quibus ces-
santibus, & igne in eadem vehementia perseverante
aliud rursus cochlear intromitte: sic perge usque ad
finem. Refrigeratis omnibus in aludelibus & capi-
tello Flores invenies niveos, quos in phiala vitrea
ad usum servabis.

*Vomitoriam habent facultatem, eoque nomine in quar-
tanis febribus, & epilepsia commendantur.*

Dosis a granis tribus ad grana sex.

FLORES ANTIMONII MARTIALES

VULGO

NIX MARTIS.

℞. Reguli Antimonii Martialis pulverisati
— quantum placet.

Immitte in ollam fictilem satis capacem: operculum in medio perforatum intra ollam colloca, ea ratione ut inter ipsum ac Reguli pulverem duorum transversorum digitorum spatium relinquatur. Altero deinde operculo ollam penitus occlude, eamque in mediis prunis ardentibus colloca: urge ignem satis vehementer: liquato Regulo, Flores sub inferiori operculo concreſcent nivei, quos refrigeratis vasis colliges, & ad uſum ſervabis.

Diaphoreſim ac ſudores movent: ad febres intermittentes ante paroxiſmum exhibiti plurimum commendantur.

Dofis a granis decem ad grana triginta.

BUTYRUM, ET CINNABARIS
ANTIMONII.

℞. Antimonii crudi,
Mercurii ſublimate, — ana partes æquales

Pulverifata ſeorſim exacte commiſce, diu terendo in mortario marmoreo. Immitte in retortam vitream loricatam amplioris colli, quæ ad dimidias vacua remaneat. Hanc in furnulo ſtatue, & recipiente applicato, ignem ſuccende primi gradus: li-
quor

quor crassus exstillabit facile concreescens, albicans instar Butyri, qui admota pruna ardente identidem solvatur, ne retortæ collum occludat, sed intra cavum recipiens descendat: est Butyrum dictum Antimonii. Auge ignem donec vapores exeant rubri; tum vero amoto priori excipulo novum substitue, cum aliqua portione aquæ puræ: ignem urge ut candescat retorta, eundemque gradum sustine per horas quatuor. Refrigeratis omnibus in recipiente ultimo Mercurium vivum, & Butyrum impurius reperies; ad flexionem vero colli retortæ massam obscure rubram, ponderosam, quam diligenter colliges, ac servabis titulo Cinnabaris Antimonii: in reliquo colli tractu varia materies aderit ex Butyro, Sulphure, & Mercurio vivo simul confusis. Butyrum in primo recipiente collectum servetur in phiala ad usum. Procedente tempore liquecet, neque amplius coagulabitur. In toto opere a fumis noxiis cavendum.

Butyrum Antimonii causticum est valentissimum, eoque Chirurgi non raro utuntur ad callosas excrescentias consumendas. Adhibetur etiam ad conficiendum Pulverem Algarot ac Bezoarticum Minerale.

Emergit Butyrum ex copula portionis regulinæ Antimonii cum acido Salis Marini, quod in Sublimato continebatur: Cinnabaris vero ex mixtione Sulphuris Antimonii cum Mercurio vivo, omnino ferme ut in laboratione Cinnabaris factitiæ. V. pag. 432.

PUL-

PULVIS ALGAROT

IMPROPRIE

MERCURIUS VITÆ.

℞. Butyri Antimonii ——— quantum placet.

Instilla paulatim in aquam puram: lactescet momento temporis, & pulvis candidus instar Magisterii præcipitabitur; supernatabit liquor acidus, quem decantatum, & ad tertiæ partis remanentiam evaporatum servabis titulo Spiritus Vitrioli Philosophici; quamvis revera sit potius Spiritus Salis Marini. Magisterium pluries ablutum ac in umbra siccatum est Pulvis Algarot, sive, ut ajunt, Mercurius Vitæ.

Emerica facultate indolem retinet Reguli Antimonii, a quo originem ducit.

Dosis a grano uno ad grana sex.

BEZOARTICUM MINERALE.

℞. Butyri Antimonii ——— uncias duas.

Leni calore liquato in phiala vitreata guttatim instilla

Spiritus Nitri ——— uncias duas,

vel quantum satis est ad perfectam dissolutionem, vapores ab effervescenti mixtura exhalantes sollicitè cavendo. Evaporetur liquor in cucurbita vitrea ad siccitatem: massa remanebit albi coloris, quam affusa eadem Spiritus Nitri quantitate rursus digeres, rursusque evaporabis. Tertia vice hæc omnia per-

perages, & massam ab ultima evaporatione relictam igne reverberii per semihoram calcinabis, ut candidissima evadat.

Diaphoresim ac sudores movet.

Dosis a granis quinque ad grana quindecim.

STIBIUM SIVE ANTIMONIUM

DIAPHORETICUM.

℞. Antimonii ————— libram unam,

Nitri purissimi ————— libras tres.

Separatim pulverisata & commixta immitte per vices in crucibulum vel ollam candentem, omnino ut in præparatione Reguli Antimonii, iisdem quoque cautionibus servatis. Violentissimo igne per duas horas adhibito non liquefcet materia, sed calcinabitur. Refrigeratæ sufficientem quantitatem aquæ calentis affunde, & per duodecim horas sine ut quiescat: calx alba præcipitabitur, nitrosa vero sal-fedo in aqua dissolvetur. Hanc per inclinationem effusam seorsim asserva, calcem vero repetita ablutione dulcificatam leniter exsicca: erit Antimonium sive Stibium Diaphoreticum.

In acutis morbis frequenter usurpatur ad insensibilem perspirationem excitandam, conservandam, augendam, sudoresque promovendos.

Dosis a granis sex ad drachmam semis.

NI-

STIBIUM DIAPHORETICUM MARTIALE.

R₂. Antimonii crudi pulverisati — libram unam,

Limaturæ Ferri præparatæ — libram semis,

Nitri depurati ac pulverisati — libras tres.

Deflagratio & calcinatio eodem ordine procedant ut in elaboratione Stibii Diaphoretici simplicis. Massa refrigerata diluatur aqua calenti, & trajiciatur per linteam rarioris texturæ: residuebit calx subflava, quæ dulcificata, & in umbra siccata ad usum servabitur.

Ad cachexiam, icterus, & scabiem perutile existimatur.

Dosis a scrupulo semis ad scrupulum unum.

NITRUM STIBIATUM.

Lotiones a dulcificatione Antimonii Diaphoretici relictas si omnes simul ad pelliculam evaporaveris ut in crystallisatione Salium, postea in frigido loco reposueris, concresecet materies salina, quæ appellatur Nitrum Stibiatum.

Inflammatoriam sanguinis coagulationem dissolvit, urinam ac sudores movet, refrigerat, in variolis propterea, morbillis, pleuritide, aliisque, acutis morbis utile.

Dosis a drachma semis ad drachmam unam.

CERUSSA ANTIMONII.

℞. Reguli Antimonii ————— uncias tres,

Nitri purissimi ————— uncias novem.

Pulverisentur, misceantur, deflagrent, calcinentur, eodem prorsus ordine ut in præparatione Antimonii Diaphoretici; calx abluta & exsiccata erit Cerussa Antimonii.

Communem fere habet facultatem cum Stibio Diaphoretico.

Dosis a granis quinque ad grana viginti.

SPECIFICUM STOMACHICUM

POTERII.


℞. Reguli Antimonii Martialis ————— uncias tres,

Nitri purissimi ————— uncias novem.

Eadem prorsus utere operandi ratione ac pro Stibio Diaphoretico, & Cerussa Antimonii.

Ad Stomachi vitia corrigenda plurimum valere creditur.

Dosis a granis sex ad grana viginti.



SPECIFICUM ANTIHECTICUM

POTERII.

℞. Reguli Antimonii Martialis,
Stanni Anglici, ——— ana partes æquales.

Liquefactum utrumque simul in crucibulo funde in
massam metallicam fragilem, cui pulverisatæ admisce

Nitri purissimi seorsim pulverisati — triplum.

In reliquis eodem ordine procede ut in elabora-
tione Stibii Diaphoretici.

*In lue venerea, obstructionibus uteri ac reliquorum
viscerum, & in hectica extenuatione incipiente commen-
datur.*

Dosis a granis tribus ad grana viginti.

TINCTURA ANTIMONII.

℞. Scoriarum a præparatione Reguli Antimonii re-
lictarum succinei coloris — uncias duas,

Spiritus Vini rectificati ——— uncias decem.

Digere in phiala vitrea balnei calore, dum liquor
aureus fiat: filtratum ad usum servabis.

*Hypochondriacis, cachecticis, & scabiosis utiliter præ-
scribitur.*

Dosis a guttis quatuor ad guttas viginti.

TINCTURA ANTINONII REGULINA.


R₂. Reguli Antimonii Martialis,
Nitri depurati, ——— ana partes æquales.

Pulverisata seorsim, & exacte commixta injice in crucibulum ignitum per vices, ut in præparatione Antimonii Diaphoretici. Deflagrabit materia cum strepitu: ultimo massa supererit, quam horæ spatio reverberatam in mortario calido pulverisabis, & in cucurbitam vitream immittes: hoc facto affunde

Spiritus Vini rectificatissimi — quantum satis ad quatuor digitorum supereminentiam: digere per aliquot dies ut extrahatur Tinctura, quam filtratam ad usum servabis.

Ex duabus partibus hujus Tincturae & una Spiritus Cornu Cervi fit Mixtura Tonico - Nervina, a Stablio plurimum commendata ad viscera roboranda, & eorum tonum nimium debilitatum restituendum; in declinatione potissimum morborum chronicorum, & post graviores quascumque excretiones.

Dosis Mixtura supradicta ad guttas triginta in convenienti vehiculo.



TIN

LII

AP